

सावा येत्हाड चडबाड सांबा रे माङ्गेना मुन्धुम

यडगन् ताप्पा सारा ताप्पा
 लाम्सिक्तो चबेत इड्बा
 लाम्धुड्धो चडबाड सांबाहाड
 थो तइ तेम्बे नाङ्गेन तेम्बे
 यो कुनुरी तेम्बे काशी तेम्बे
 साम्याडरे सिक्की वान्छाड थासिड
 युप्पारे सिक्की वान्छाड थासिड
 आल्ल खुने !

यडगन ताप्पा सारा ताप्पा
 साम्सो वान्छिड यमिड वान्छिड
 युक्फुड कन्नु, सावाड कन्नु
 असा थाडे यो लाम थाडे
 नुजिरी नुवादो येत्चिरी येत्वादो
 हेत्कुम वदो साङ्गा वदो
 यडगन नात्तु सारा नात्तु
 युक्फुड कन्नु सावाड कन्नु
 असा केलन्दे थोलाम केलन्दे
 कुनुरी तेम्बे हाक्पारा तेम्बे
 कुनुरी तेम्बे फाडलुड तेम्बे
 पित्छा कन्नु साम्भोक कन्नु
 कइ काक्नु फाडजड काक्नु
 चफत् काक्नु थुड्वा काक्नु
 कुनुरी तेम्बे विजयपुर तेम्बे
 असा लन्दे थोलाम लन्दे
 आल्ल यम्मु !

यडगन ताप्पेन सारा ताप्पेन
 कइ काक्नु फाडजड काक्नु
 इम्बिरी होप्पा याडथाडवा होप्पा
 यडगन नात्तु सारा नात्तु
 असा केलन्दे थोलाम केलन्दे
 सिगी मेन्बोते सोसाम मेन्बोते
 माता मेन्बोते इमेत् मेन्बोते
 सिगी फोड्नु सोसाम फोड्नु
 माता फोड्नु इमेत फोड्नु

इम्बिरी होप्मा याडथाडवा होप्मा
 युक्फुड कन्नु सावाड कन्नु
 यडगन नात्तु सारा नात्तु
 असा थाडेरो योलाम थाडेरो
 नुवोघाट तेम्बे सिम्राघाट तेम्बे
 युडफुड कन्नु सावाड कन्नु
 यडगन नात्तु सारा नात्तु
 कइ कन्नु फाडजड कन्नु
 पित्छा कन्नु साम्बोक कन्नु
 असा केलन्दे थोलाम खक्केलन्दे
 यडगन ताप्पेन सारा ताप्पेन
 इम्बिरी लाम्बा थाडवा लाम्बा
 कुनुरी युक्फुड कर्कोले युक्फुड
 कुनुरी युक्फुड बखिम युक्फुड
 कइ काक्नु फाडजड काक्नु
 कुनुरी तरड खडकुरे तरड
 असा केथाडे थोलाम केथाडे
 इम्बिरी होप्मा याडथाडवा होप्मा
 याम्मु ! यडगन नात्तु सारा नात्तु
 खुक्वादोरो लुड्धारी रो
 चफत् काक्नु थुड्वा काक्नु
 सान्जेलुड दोरो सोबुवा दोरो
 असा केलन्दे थोलाम केलन्दे
 याम्मु कइ कन्नु फाडजड कन्नु
 पित्छा कन्नु साम्भोक कन्नु
 युक्फुड कन्नु सावाड कन्नु
 यडगन नात्तु साराहा नात्तु
 इम्बिरी लाम्बा याडथाडवा लाम्बा
 केत्कुम होप्मा मिया होप्मा
 यडगन ताप्पेन साराहा ताप्पेन
 असा केलन्देआड थोलाम केलन्देआड
 थिक्यानरे चामा याड् केथोक्ते
 थिक पाकुम चामा चाःचानु
 थिक् पिछीड थुडमा थिःथुडनु
 आल्ल याम्मु !

चुगेमा लाम्थो चुक्वामा लाम्थो
 असा केथासिड थोलाम केथासिड
 मिनु तेम्बे रामदली तेम्बे
 चफत् काक्नु थुड्वा काक्नु
 कइ काक्नु फाडजड काक्नु
 पिच्छा कन्नु साम्भोक कन्नु
 युक्फुड नेत्नु सावाड नेत्नु
 यडगन नात्नु सारा नात्नु
 केतकुम होप्मा मिया होप्मा
 लडजड पाटी साक्रातेरो
 यडगन ताप्पेन सारा ताप्पेन
 असा केलन्दे थोलाम केलन्दे
 सरा हाप्चा साप्तोक नाम्बा
 असा थोलाम खड्केयेवे
 सरा हाप्चा साप्तोक नाम्बा
 थिक पाकुम चामा चाःचानु
 थिक पिछिड थुडमा थि थुड्नु
 थिक यानरे चामा याड केथोक्तेयाड
 कइ केगन्दे फाडजड केगन्दे
 पित्छा केगन्दे साम्भोक केगन्दे
 युक्फुड केगन्दे सावाड केगन्दे
 यडगन केनाते साराहा केनाते
 आम्बी खम्बेल्ले !
 यडगन रे पम्बाथिक सारा यम्बाथिक
 साम्याड लुडधुड अम्लेड मुरी केयुडबा
 युप्पा लुडधुड चेरेड मुरी केयुडबा
 यडगन यम्बेन साराहा यम्बेन
 सुहेन केधान्दुले मिक्सो केधान्दुले
 लिजुम केयान्दु लिधोक केयान्दु
 तोडजुम केलान्दु तोडया केलान्दु
 अयामा तेन्थो थाक्चडमा तेन्थो
 अया केदेसुयाड कुधाक केदेसुयाड
 असा केयुरु थोलाम केयुरु
 कुनुरी पाड्फे साम्योकहाड पाड्फे
 आल्ल खाःयो !

यडगन पम्बासा सारा पम्बासा
 यडगन केसेन्दु सारा केसेन्दु
 चुगे केलत्तु चुक्वादो केलत्तु
 पेगे केलत्तु फेड्वादो केलत्तु
 सामु केलत्तु सादो केलत्तु
 आक्वा केनेत्ते साफिन् केनेत्ते
 थिक् पाकुड चाःकेजे थिक् पिछिड थिःकेथुडे
 थिक् यानरे याड केथोक्ते
 आल्ल, यडगन हिदुत सारा हिदुत
 चुगे वहड्मेयो चुक्वा वहड्मेओ
 हुक्सो हप्तेले ताडे हप्तेले
 साम्याड लुडधुड अम्लेड चेफात
 हुक्सो खोसुले ताडे खोसुले
 खम्बेल्ले ! साम्याड वःधा
 साम्सो वान्दुरो यमिड वान्दुरो
 याःमु पेगे वहड्मेओ फेड्वा वहड्मेओ
 यडगन हिदुत सारा हिदुत
 हुक्सो हप्तेले ताडे हप्तेल्ले
 युप्पा लुडधुड चेरेड चेफात
 हुक्सो खोसेमु ताडे खासेमु
 खम्बेल्ले !
 युप्पा वःधा
 साम्सो वान्दुरो यमेड वान्दुरो
 आल्ल याम्मु !
 सुसुवा तेन्रो नेनेवा तेन्रो
 सुसुवा फुक्कु नेनेवा फुक्कु
 यडगन ताप्पेले साराहा ताप्पेले
 मिधुड चोगुयाड मिराक चोगुयाड
 यडगन थक्साहा सारा थक्साहा
 अया चोगुयाड सादिम चोगुयाड
 अया सेड्सेले सादिम सेड्सेले
 खात्थो, सुसुवा फुक्कु नेनेवा फुक्कु
 साम्सो केवान्दु यमिड केवान्दु
 आल्ल खात्थो
 मिधुडरे चामा मिखु पोगेले

मिराकले चामा मिखु पोगेले
 तरड तक्तुले ताडसाड तक्तुले
 मिनु हाडबले सम्योकहाडबेले
 आप्लुडमा साहा ताडसेप्मा साहा
 मिनुयाड साहा तिल्लिङ्गा साहा
 मिधुडरे चामा मिखु पोगे
 मिराकरे चामा मिखु पोगे
 असा पेगाम्मे थोलाम पेगाम्मे
 अया पिरुसी इडदत पिरुसी
 खन्नाड् लोकसाड मेवेयाड फुरुत मेवेयाड
 सुसुवा फुक्कुयो नेनेवा फुक्कुयो
 मिक्सोरे चामा ओमु मेदेसेल्ले
 यडगन ताप्पेन ग सारा ताप्पेन ग
 अया सेड्सेयाड सादिम सेड्सेयाड
 नासिड युडेरो थक्पेत् युडेरो
 आल्ल मिनु हाडबेल्ले साम्योक हाडबेल्ले
 आप्लुडमा साहारे ताड्सेप साहारे
 मिनुयाड साहारे तिल्लिङ्गा साहारे
 अतु मेनुक्सेयाड याडनु मेनुक्सेयाड
 पेली मेजेक्तु पान्छो मेजेक्तु
 खम्बेल्ले याम्मु
 अया पुरुसी इडदत पुरुसी
 असा पेगिन्आड योलाम पेगिन्आड
 हुक्सो ताराम्मे तेम्साड ताराम्मे
 आल्ल लोकफा नेमेयो सिङ्घीम नेमेयो
 लाःचुल्लीमारे पेना मेफेसु
 नाम्ःचुल्लीमारे पेना मेफेसु
 आल्ल याम्मु !
 मिनुहाड्डेले साम्योकहाड्डेले
 अया चोगु इडदत चोगु
 तास्वाबा साई? लिस्वाबा साई?
 तास्वाबा साःभाड पेली पातुगर पान्छो पातुगर
 खजुम मेन्लानिन्ने खया मेन्लानिन्ने
 फेजुम मेन्लानिन्ने फेजा मेन्लानिन्ने
 लिस्वाबा साःभाड

पेली पात्तुगर पान्छो पात्तुगर
 खजुम लान्दिने खया लान्दिने
 फेजुम लान्दिने फेजा लान्दिने
 अया पुरुसी इडदत पुरुसी
 आल्ल

यडगन ताप्पेन ग सारा ताप्पेन ग
 हुक्सोरे चामा तेम्साड मेदारु
 ताड्डेरे चामा तेम्साड मेदारु
 लोकसाड मेदारु फुरुत मेदारु
 लाःचुत्लिमारे पेना चड्थो
 नाम् चुत्लिमारे पेना चड्थो
 लोकफा सिघाड सिङ्घीम सिघाड
 लोकसाड लासेल्ले फुरुत लासेल्ले
 आल्ल !

मिनु हाडबेल्ले साम्योक हाडबेल्ले
 खेने आचुम केजोक आफा केजोक?
 याड्सा केजोक कुन्धे केजोक?
 तास्वाबा साःनेई? लिस्वुबा साःनेई?
 सेवा लाप्तुले सेन्धो लाप्तुले
 आल्ल आड्गा यडगन ताप्पाआ सारा ताप्पाआ
 युक्फुड केगम्बा सावाड केगम्बा
 कइ केगम्बा फाडजड केगम्बा
 पिच्छा केगम्बा साम्भोक केगम्बा
 साइक्माड साःआ सारा ताप्पा साःआ
 लिस्वुबा मेन्लो तास्वाबा साःआ
 पेली चेक्तुरो पान्छो चेक्तुरो
 अखे चेक्तुरो ताजेड चेक्तुरो
 आल्ल आन्देन् !

साम्याडले अम्लेड चेफात् खोसुबेल्ले
 युप्पारे चरेड चेफात् खोसुबेल्ले
 नालि नेत्तुयाड कुजेन नेत्तुयाड
 हुक्सो नेत्तुल्ले सेवा नेत्तुल्ले
 सिकुम सेरेयाड निङ्वा सेरेयाड
 मिनु हाडबेल्ले साम्योक हाडबेल्ले
 थिडदाड पोरामा सायो पोरामा
 मिनु हाड्मेन्नु मानिमा हाड्मेन्नु

तेन्धाम मेत्तुसी मेखिम मेत्तुसी
 तेन्धाम कामेरो मेखिम कामेरो
 आल्ल सोसोक पोक्से लिमलिम पोक्से
 पाडवा पोक्से लुडधुड पोक्से
 सात्ता पोक्से लुडलेड पोक्से
 थिडदाड मेवे सायो मेवे
 आल्ल याड्सी !
 यडगन ताप्पेल्ले सारा ताप्पेल्ले
 थिन्दाड पोरा सायो पोरा
 कुनुरी हाड्वेन फेम्बुहाडवेन
 केतकुम होप्पा मिया होप्पा
 चफत काक्तुयाड थुड्वा काक्तुयाड
 ना मिनु तेम्बे सांबा तेम्बे
 असा पेगे नालाम पेगे
 आल्ल खात्ता !
 लाजे नेमेत्ता सिडबुड नेमेत्ता
 काप्तोक नेमेत्ता योबा नेमेत्ता
 लोकफा चोगे सिडिधम चोगे
 लोकफा काम्से सिडिधम काम्से
 सोसोक चोगे लिमलिम चोगे
 पड्वा वये लुडधुड वये
 साता चोगे लुडलेड चोगे
 यान्धा चोगे खेदक चोगे
 आल्ल खम्बेल्ले !
 सियाड्घेक लन्देयाड थेयाड्घेक लन्देयाड
 मुफक लन्देयाड फक्वा लन्देयाड
 मुलेड लन्देआड लेड्वा लन्देआड
 सिनायो लेन्धेन मुक्तेल्ले
 थेनायो लेन्धेन मुक्तेल्ले
 याड्सा पोक्सेआड ? कुन्धे पोक्सेआड ?
 सियाड्घेक लन्दाड थेयाड्घेक लन्दाड
 मुफक लन्दाड फक्वा लन्दाड
 मुलेड लन्दाड लेड्वा लन्दाड
 सिकुम इत्छिड्डे निड्वा इत्छिड्डे
 युन्छो लासेल्ले खेमाड लोसेल्ले
 तागेरा मेथो निड्वाफु मेथो

सारी थोक चोगुयाड पङ्गेन थोक चोगुयाड
 लासेमी चोगुयाड नाम्सेमी चोगुयाड
 सेवा चोगे सेन्धो चोगे
 पेलि चोगे पान्छो चागे
 आल्ल याम्मु !
 युन्छो लोसेआड खेमाड लोसेआड
 मिक्फुडरे चामा ईम्मा नेसेल्ले
 तान्दि लोकसे सेप्माड लोकसे
 सेमेरिड मेत्छिडे येमेरिड मेत्छिडे
 मेरिङ्गो मेत्छिडे माङ्गेना मेत्छिडे
 तागेरा माङ्गे निङ्वाफु माङ्गे
 तान्दि पुरुयाड सेप्माड पुरुयाड
 तान्दि माक्तेल्ले सेप्माड माक्तेल्ले
 तान्छो तारेले साक्माड तारेले
 तान्दि चाःरेरो सेप्माड चाःरेरो
 आल्ल तान्दि इसिक सेप्माड इसिक
 खन्जुम इसिक खन्ना इसिक
 मिनु तेल्लानु तुम्फुड तेल्लानु
 तेल्ला काप्ला नु लासिड काप्ला नु
 तेल्ला काप्ला नु येत्लासिड काप्ला नु
 मिनु काप्माड नु खोरे काप्माड नु
 चुगे पिसाड चुक्वा पिसाड
 कातेक्वा थिनु मुरोप्पा थिनु
 पेगे पिसाड फेङ्वा पिसाड
 याम्साङ्मा च्वात्नु याम्सेमा च्वात्नु
 सेनिड काप्ला नु वयेम काप्ला नु
 याडसीडमा नु माङ्गेनामा नु
 सेमेरिड मेत्छिड येमेरिड मेत्छिड
 मेरिङ्गो मेत्छिड माङ्गेना मेत्छिड
 आल्ल सेमेरिड मारे येमेरिड मारे
 मेरिङ्गो मारे माङ्गेना मारे
 तेल्ला नेत्तारो लासिड नेत्तारो
 केतकुम होप्पा मिया होप्पा
 थिकनाहाड युरो खेङ्च्वात्मा युरो
 थिकनाहाड युरो पावामा युरो
 साप्चिरी मारो कुलुम ताःमारो

लिङलिङ्गो माःरो लिङ्थाङ यक्मारो
 किधीरे यक्मेन्देप्ना वइरे काक्मेन्देप्ना
 मयारे कपमेन्देप्ना हुक्सोरे सोकमेन्देप्ना
 लिङलिङ्गो लिङ्थाङ यक्मारो
 आल्ल खुने !
 सेमेरिङ मेत्छिङेले येमेरिङ मेत्छिङेले
 मेरिङ्गो मेत्छिङेले माङ्गेना मेत्छिङेले
 सियाङ्घेक चप्सिङ थेयाङ्घेक चप्सिङ
 मुफक इङसीङ फक्वा इङसीङ
 मुलेङ इङसीङ लेङ्वा इङसीङ
 लारिङ लःरे सेसे लःरे
 नाम्लिङ लःरे ओम्भा लःरे
 खन्जुम इसिक खन्ना इसिक
 यङगन ताप्पा साः सारा ताप्पा साः
 लाम्सिक्तो चफेत इङ्वा लाम्थुङ्थो गर
 सुत्तुङदिङ चङबाङ सांवा
 हाङ्याम्बु सेमे..... सेमेमा.....
 सिभक ताङ्गे येबो ताङ्गे
 मुन्जुम ताङ्गे मुङ्ग ताङ्गे
 सुम्भो मेदोन्दु हुक्वा मेदोन्दु
 पङ्ग मेदोन्दु लाङ्वा मेदोन्दु
 नालि मेदोन्दु कुजेन मेदोन्दु
 लासेवा मेदोन्दु नाम् सेवा मेदोन्दु
 खन्जुम इसिक खन्ना इसिक
 लारिङ मेःलर सेसे मेःलर
 नाम्लिङ मेःलर ओम्भा मेःलर
 चाङघिया थोपो मेखोर
 लिङखिया नुप्पा मेखोर
 आल्ल सुम्भो केरे हुक्वा केरे
 पङ्ग केरे लाङ्वा केरे
 नालि केरे कुजेन केरे
 साम्जिक हुप्तेरो मुन्धुम हुप्तेरो
 पेलि हुप्तेरो पान्जा हुप्तेरो
 अखे हुप्तेरो ताजेङ हुप्तेरो
 सेवारो !!